

खाटूवालो नाच रयो | By Karishma Chawla

भगता के सागे कीर्तन में खाटूवालो नाच रयो
कीर्तन में खाटूवालो नाच रयो
भगता के सागे कीर्तन में खाटूवालो नाच रयो

खुद सांवरियो मस्त मगन हो मोरछड़ी ले नाचे
भगता के मनडे री बाता खाटूवालो बाचे
निजर उतारो श्याम धणी की चाँद दूज को लाग रयो
भगता के सागे कीर्तन में खाटूवालो नाच रयो

भात भात का इत्तर लगाकर श्याम धणी इतरावे
धीरे धीरे कदम उठाकर ताल से ताल मिलावे
स्वर्ग से सुन्दर बण्यो नज़ारो हिवड़े श्याम समाये रयो
भगता के सागे कीर्तन में खाटूवालो नाच रयो

सगळ्या मिलकर सेवा कर ल्यो जनम जनम सुधरेला
दुनिया वा ने जाने सगळी श्याम ने जो पुजेला
जीवन कर दो श्याम हवाले बाबो हेला मार रयो
भगता के सागे कीर्तन में खाटूवालो नाच रयो

श्याम का कीर्तन जो करवावे वो सांचो बड़भागी
दुनिया चाले लारे बी के श्याम प्रीत जो लागि
सोनी श्याम नाम को डंको चार कूट में बाज रयो
भगता के सागे कीर्तन में खाटूवालो नाच रयो

<https://bhaktivandana.com/lyrics/%e0%a4%96%e0%a4%be%e0%a4%9f%e0%a5%82%e0%a4%b5%e0%a4%be%e0%a4%b2%e0%a5%8b-%e0%a4%a8%e0%a4%be%e0%a4%9a-%e0%a4%b0%e0%a4%af%e0%a5%8b-by-karishma-chawla/>